

# REFERAT MAA - Udvalg for Børn og Skole d. 03-02-2021

**Mødedato** Onsdag d. 03. februar 2021 kl. 18:00

**Mødested** Kommunalbestyrelsessalen

# Indholdsfortegnelse

|                                                                                                 |    |
|-------------------------------------------------------------------------------------------------|----|
| Saqqaa.....                                                                                     | 3  |
| Oqaluuserisassat akuerineqarneri.....                                                           | 4  |
| Nalunaarutit.....                                                                               | 5  |
| Ilisimatitsissutit.....                                                                         | 6  |
| Aalajangiiffigisassat.....                                                                      | 7  |
| Kommuneqarfik Sermersuumi atuarfinni ukiumut atuarfiusumut 2021/22-mut atuannigiffeqarfissatu   | 8  |
| Suliat Aningaasaqarnermut Inuussutissarsiornermullu Ataatsimiititamut.....                      | 11 |
| Sunngiffimmi klubbinik Peqqinnermut Susassaqartitsinnermut Kulturilerinnermullu Immikkoortortan | 12 |
| Taasariaqartut allat.....                                                                       | 18 |
| Lukket.....                                                                                     | 19 |
| Lukket.....                                                                                     | 20 |
| Lukket.....                                                                                     | 21 |
| Lukket.....                                                                                     | 22 |
| Lukket.....                                                                                     | 23 |
| Imaqarniliap akuerineqarnera.....                                                               | 24 |

## Punkt 0: Saqqaa

### Ilaasortat

Michael Rosing (AT - Attaviitsoq), siulittaasoq.

Henrik Rachlev (IA)

Storm Ludvigsen (IA)

Uju Petersen (IA)

Thiiooq Knudsen (S)

### Beslutning

Peqataasut: Michael Rosing (Attaviitsoq) aamma Lone Rosengreen Pedersen (IA) Storm Ludvigsenimut (IA) sinniisoq

Oqarasuaatikku: Henrik Rachlev (IA) aamma Thiiooq Knudsen (S)

Uju Petersen (IA) peqataasinnaanani nalunaarpoq sinniisoqaranilu.

## **Punkt 1: Oqaluuserisassat akuerineqarneri**

### **Beslutning**

Oqaluuserisassat akuersissutigineqarput.

## **Punkt 2: Nalunaarutit**

- 2a. siulittaasup nalunaarutai
- 2b. ingerlatsiviup nalunaarutai

### **Beslutning**

- 2a. soqanngilaq.
- 2b. soqanngilaq.

**Punkt 3: Ilisimatitsissutit**

Soqanngilaq.

**Beslutning**

Soqanngilaq.

## **Punkt 4: Aalajangiiffigisassat**

## **Punkt 04A: Kommuneqarfik Sermersuumi atuarfinni ukiumut atuarfiusumut 2021/22-mut atuannigiffeqarfissatut siunnersuutit**

### **Beslutning**

Inassuteqaat akuersissutigineqarpoq.

### **Bilag**

Nuummi illoqarfiup atuarfiini 2021-2022-mi Atuannigiffeqarfissat pillugit Siunnersuut

Qeqertarsuatsiaat atuarfianni 2021-2022-mi Atuannigiffeqarfissat pillugit Siunnersuut

Kapisillit atuarfianni 2021-2022-mi Atuannigiffeqarfissat pillugit Siunnersuut

Atuarfik Tuiisag pillugu 2021-2022-mi Atuannigiffeqarfissat pillugit Siunnersuut

Arsuup atuarfianni 2021-2022-mi Atuannigiffeqarfissat pillugit Siunnersuut

Tasiilap atuarfianni 2021-2022-mi Atuannigiffeqarfissat pillugit Siunnersuut

Kuummiut atuarfianni 2021-2022-mi Atuannigiffeqarfissat pillugit Siunnersuut

Kulusuup atuarfianni 2021-2022-mi Atuannigiffeqarfissat pillugit Siunnersuut

Tiilerilaap atuarfianni 2021-2022-mi Atuannigiffeqarfissat pillugit Siunnersuut

Isertip atuarfianni 2021-2022-mi Atuannigiffeqarfissat pillugit Siunnersuut

Sermiligaap atuarfianni 2021-2022-mi Atuannigiffeqarfissat pillugit Siunnersuut

Ejner Mikkelsenip atuarfianni 2021-2022-mi Atuannigiffeqarfissat pillugit Siunnersuut

## **Kommuneqarfik Sermersuumi atuarfinni ukiumut atuarfiusumut 2021/22-mut atuannigiffeqarfissatut siunnersuutit**

Illoqarfinni nunaqarfinnillu tamani atuannigiffeqarfissatut pilersaarutit

Aalajangiiffigisassaq

J.nr.: EMN-2021-00064

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### **Suliassamik eqikkaaneq**

Meeqqanut Atuarfeqarnermullu Ingerlatsiviup Kommuneqarfik Sermersuumi atuarfinni ukiumi atuarfiusumi 2021/2022-mi atuannigiffeqarfissatut siunnersuutaa atuarfinni siulersuisunut atuarfinnillu tamanut tusarniaassutigineqarpoq aamma atuarfinni siulersuisut ilaasa oqaaseqaataat atuarfinni ataasiakkaani pilersaarutitut ilanngunneqarput.

Siunnersuummi atuannigiffeqarnissamut pilersaarutit pillugit Namminersorlutik Oqartussat malittarisassaasut atuuttut aallaavigineqarput.

### **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Kommuneqarfik Sermersuumi illoqarfinni nunaqarfinnillu atuarfinni ukiumut atuarfiusumut 2021/22-mut atuannigiffeqarfissatut pilersaarutit akuersissutigineqassasut

### **Suliassamik saqqummiussineq**

Meeqqanut Atuarfeqarnermullu Ingerlatsivik Kommuneqarfik Sermersuumi atuarnut atuannigiffeqarfissatut pilersaarutit ukiumut atuarfiusumut 2021/2022-mut siunnersuusiorpoq. Siunnersuutit atuarnut siulersuisunut atuarfinnillu tamanut tusarniaassutigalugit nassiunneqarnikuupput, taamatuttaarlu siunnersuummi atuannigiffeqarnissamut pilersaarutit pillugit Namminersorlutik Oqartussat malittarisassaasut atuuttut aallaavigineqarput.

Kommuneqarfik Sermersooq atuarnut atuannigiffeqarnissaannut malittarisassaasut, tassani allassimavoq:

- kommunimi atuarnut tamarmik ukiumi atuarneq sapaatip akunnerani tassani aallartissavaat
- ikinnerpaamik ullut atuarnut 200 amerlanerpaamillu 240 ingerlareersimappata kommunimi atuarnut tamarmik ukiumi atuarneq naammassissagaat
- Nuummi atuarnut tamarmik assigiimmik atuannigiffeqarnissamik pilersaaruteqarput
- kommunimi illoqarfinni nunaqarfinnillu atuarnut allat atuannigiffeqarnertik najukkami pissutsinut ileqqorineqartullu malillugit tulluarsaallutik pilersaarusiussasut

### **Aaqqiissutissatut siunnersuut – suliatigut naliliineq**

Atuarnut tamarmik ukiumut atuarfiusumut 2021-2022 ukiumi atuannigiffeqarfissatut siunnersuusiamik tusarniaaffigineqarput. Meeqqanut Atuarfeqarnermullu Ingerlatsiviup atuarnut tusarniaanermut akissuteqaatit tusaatissatut tiguai, atuarnut ataasiakkaat namminneq kissaataat malillugit iluarsillugit, taamaalillutik ullut atuarnut 200-nut tulluuttunngorlugit.

Ingerlatsiviup pingaartippaa qinikkat kissaatai ukiamut tuttunniarnissamut periarfissiinissaq piviusunngortissallugu. Ingerlatsiviup nalilerpaa aasaanerani atuannigiffeqareernerup kingorna kingusinnerusukkut atualernissaq siusinaartumik ukiaanerani atuannigiffeqarnissamut naleqqiullugu pitsaanerusoq, tassami kingulleq aalajangiunneqassappat, ukiaanerani atuannigiffeqarnermiit juullimut atuannigiffeqarnissap tungaanut siviluallaassammat. Atuannigiffeqareernerup kingorna

kingusinnerusukkut atualernerup kingunerivaa, aggustimi sapaatit akunneri marluk tuttunniarnissamut periarfissaanerat.

*Aningaasatigut sulisoqarnikkullu naliliinerit*  
Soqanngilaq.

*Inatsisitigut tunngavissaq allakkallu tunngaviusumik uppersaatitalit*

- Atuarfik pillugu Inatsisartut inatsisissaattut siunnersuut nr 15, 3. decembari 2012-imeersoq
- Atuarfik pillugu Inatsisartut inatsisaata allanngortinneqarnera pillugu Inatsisartut inatsisaat nr 21 ulloq 13 novembari 2017-imeersoq (Atuartitsinerup imarisaa, aaqqissuussaaneq, piareersaaneq aamma ilisimasani katersisarneq pillugit malittarisassanik allanngiineq)
- Atuarfimmi atuartut atuannigiffeqartarnerisa pilersaarusiortarnerat pillugu Namminersornerullutik Oqartussat nalunaarutaat nr 4, 5 marsi 2003-meersoq

*Ingerlariaqqinnissaq*

Ataatsimiititami atuannigiffeqarnissamut pilersaarutit akuerineqassappata, atuannigiffeqarnissamut pilersaarutit atuarfinnut ataasiakkaanut angajoqqaanut atuartunullu agguagassatut tunniunneqassapput.

**Aningaasaqarnermut Allatseqarfimmit oqaaseqaatit**  
Pingaaruteqanngilaq.

**Ingerlatsivinnit allaniit oqaaseqaatigineqartut**  
Oqaaseqaateqanngilaq.

**Ilanngussat**

1. Nuummi illoqarfiup atuariini 2021-2022-mi Atuannigiffeqarfissat pillugit Siunnersuut
2. Qeqertarsuatsiaat atuarianni 2021-2022-mi Atuannigiffeqarfissat pillugit Siunnersuut
3. Kapisillit atuarianni 2021-2022-mi Atuannigiffeqarfissat pillugit Siunnersuut
4. Atuarfik Tuiisaa pillugu 2021-2022-mi Atuannigiffeqarfissat pillugit Siunnersuut
5. Arsuup atuarianni 2021-2022-mi Atuannigiffeqarfissat pillugit Siunnersuut
6. Tasiilap atuarianni 2021-2022-mi Atuannigiffeqarfissat pillugit Siunnersuut
7. Kuummiut atuarianni 2021-2022-mi Atuannigiffeqarfissat pillugit Siunnersuut
8. Kulusuup atuarianni 2021-2022-mi Atuannigiffeqarfissat pillugit Siunnersuut
9. Tiilerilaap atuarianni 2021-2022-mi Atuannigiffeqarfissat pillugit Siunnersuut
10. Isertip atuarianni 2021-2022-mi Atuannigiffeqarfissat pillugit Siunnersuut
11. Sermiligaap atuarianni 2021-2022-mi Atuannigiffeqarfissat pillugit Siunnersuut
12. Ejner Mikkelsenip atuarianni 2021-2022-mi Atuannigiffeqarfissat pillugit Siunnersuut

## **Punkt 5: Suliat Aningaasaqarnermut Inuussutissarsiornermullu Ataatsimiititamut**

## **Punkt 05A: Sunngiffimmi klubbinik Peqqinnermut Susasaqartitsinnermut Kulturilerinermullu Immikkoortortamut nuussineq**

### **Beslutning**

Inassuteqaat akuersissutigineqarpoq.

### **Bilag**

Sunngiffimmi klubbit aaqqissuussaanerisa eqqarsaatigineqaqqinnerata allaaserineqarnera

# **Sunngiffimmi klubbinik Peqqinnermut Susasaqartitsinnermut Kulturilerinermullu Immikkoortortamut nuussineq**

Aalajangiiffigisassaq

J.nr.: 2020-28502

Suliffeqarfimmi Kiffartuussineq - Kommunaldirektøri Lars Møller-Sørensen / LMS

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

## **Suliassamik eqikkaaneq**

Sunngiffimmi klubbinut suliassap sunngiffimmi susasaqartitsinnermut kulturilerinermullu siuarsannissaanik immikkoortortaqarfimmi akisussaasumiilerniassammat, kommunimi sunngiffimmi klubbit ingerlanneqarneri pitsanngorsarnerilu Meeqqanut Atuarfeqarnermullu Ingerlatsivimmiit Peqqinnermut Susasaqartitsinnermut Kulturilerinermullu Immikkoortortaqarfimmut nuutinneqarnissaa Meeqqanut Atuarfeqarnermullu Ingerlatsiviup inassuteqaatigaa. Suliassap nuunneqarneranittaaq Kommuneqarfik Sermersuup sunngiffimmi klubbii allat eqqarsaatigalugit ataqatigiinnerulernissaa suleqatigiinnerulernissarlul qulakkeerneqarsinnaapput.

Kommuneqarfik Sermersooq katillugit sunngiffimmi klubbinik arfineq-pingasunik meeqqanut inuusuttunullu qulingiluanii 21-nut ukiulinnut sunngiffimmi sammisassaqaartitsinissamik neqeroorteqaartunik peqarpoq. Klubbinut akisussaaffik ullumikkut Meeqqanut Atuarfeqarnermullu Ingerlatsivimmiippoq.

Peqqinnermut Susasaqartitsinnermut Kulturilerinermullu Immikkoortortaqarfiup Meeqqanut Atuarfeqarnermullu Ataatsimiititaq Kommuneqarfik Sermersuumi sunngiffimmi suliassaqaarfimmik ingerlatsisuusq sullitarivaa. Taamaattumik suliassap Peqqinnermut Susasaqartitsinnermut Kulturilerinermullu Immikkoortortaqarfimmut nuunneqarnerani akisussaafeqarfik sulii Meeqqanut Atuarfeqarnermullu Ataatsimiititamii ginnassaaq.

Tamatuma saniatigut sunngiffimmi klubbit aqqissuussaananerit susasaqaarfimmullu immikkoortumut pilersaarutip eqqarsaatigeqqinneqarnissaa suleriaqqinnermilu ilanngunneqarnissaat akuersissutigineqassasoq inassutigineqarpoq. Matumani klubbini pioreersuni sammisassaqaartitsinerit ataavartumik naleqqussarneqarnissaat ilanngullugit.

## **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- klubbit Suliffeqarfimmi Kiffartuussinnermi Peqqinnermut, Susasaqartitsinnermut Kultureqarnermullu Immikkoortortamut 01. aprili 2021 aallarnerfigalugu tunniunneqassasut
- Sunngiffimmi klubbinut aningaasaliissutit Peqqinnermut, Susasaqartitsinnermut Kultureqarnermullu Immikkoortortamut nuunneqassasut
- sunngiffimmi klubbit aqqissuussaananerisa susasaqaarfimmullu immikkoortumut pilersaarummik suliaqartoqarnissaa eqqarsaatigeqqinneqassasoq suleriaqqinnermi ilanngunneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut inaarutaasumik aalajangiiffigisassanngorlugu ingerlateqqinneqassasoq

## **Suliassamik saqqummiussineq**

2019-p aallartinnerani Suliffeqarfimmi Kiffartuussinnerup aqqissuussaananikkut allanngorneranut atatillugu Peqqinnermut Susasaqartitsinnermullu Immikkoortortaqarfik Meeqqanut

Atuarfeqarnermullu Ingerlatsivimmiit Suliffeqarfimmi Kiffartuussinermi Innuttaasunik Kiffartuussivimmut nuunneqarpoq.

Kommuneqarfik Sermersuup meeqqanut, inuusuttunut inersimasunullu sunngiffimmi neqeroorutai, matumani innuttaasut illui, peqatigiiffiit inai, sunngiffimmi atuartitsinerit sunngiffimmi sammisassaqtitsinerit kiisalu naluttarfik Malik Nipilersornermillu Ilinniarfik Peqqinnermut Susassaqtitsinerimut Kulturilerinermullu Immikkoortortaqarfimmit akisussaaffigineqarput.

Kommuneqarfik Sermersooq katillugit sunngiffimmi klubbinik arfineq-pingasunik meeqqanut inuusuttunullu qulingilaniit 21-nut ukiulinnut sunngiffimmi sammisassaqtitsinissamik neqerooruteqartunik peqarpoq.

| Klubbip taaguutaa                             | Ukioqatigiit        |                     |
|-----------------------------------------------|---------------------|---------------------|
| Inneruulat, Nuuk                              | Nukarliit (9-13)    | Angajulliit (14-21) |
| Qajaasat, Nuuk                                | Nukarliit (9-13)    |                     |
| Qinngorput                                    | Nukarliit (9-14)    | Angajulliit (14-21) |
| Illu, Nuuk                                    | Angajulliit (14-21) |                     |
| NUIF, Nuuk                                    | Nukarliit (9-13)    | Angajulliit (14-21) |
| Iginngut, Tasiilaq, nunaqarfiit ilanngullugit | Nukarliit (9-13)    | Angajulliit (14-21) |
| Kalaaleq, Paamiut                             | Nukarliit (9-13)    | Angajulliit (14-21) |
| Umimmak, ITT                                  | Nukarliit (9-13)    | Angajulliit (14-21) |

Sunngiffimmi klubbinut suliassaq toqqaannartumik atuarfinnik ingerlatsinermut attuumassuteqanngikkaluartoq sulii Meeqqanut Atuarfeqarnermullu Ingerlatsivimmiippoq. Meeqqanut Atuarfeqarnermullu Ingerlatsivik atuarfeqarnermut meeqqerveqarnermullu inatsit naapertorlugu sulivoq, uanili Peqqinnermut Susassaqtitsinermut Kulturilerinermullu Immikkoortortaqarfik sunngiffeqarnermut inatsit naapertorlugu, tassa klubbinut tunngasut ilaatillugit sulilluni.

Meeqqanut Atuarfeqarnermullu Ingerlatsivimmit inassuteqaatigineqarpoq suliassat sunngiffeqarnermut tunngasut Meeqqanut Atuarfeqarnermullu Ingerlatsivimmit Suliffeqarfimmi Kiffartuussinermi Peqqinnermut Susassaqtitsinermut Kulturilerinermullu Immikkoortortaqarfimmut nuunneqassasut.

Meeqqanut Atuarfeqarnermullu Ingerlatsiviup sunngiffimmi aaqqiissutit, AKO aamma miniklub, atuareernerup kingorna neqeroorutitut tunngasut akisussaaffigiinnartussaavai.

#### *Aaqqiissutissatut siunnersuut – suliatigut naliliineq*

Susassaqtitsinermut Immikkoortortaqarfimmi sunngiffimmi sammisassaqtitsinermik pingaarnertut akisussaaffilinnik sulisoqarmat, kommunimi klubbeqarnermut neqeroorutini pitsaangorsaaniissamut siuarsaaniissamullu sulianik Peqqinnermut Susassaqtitsinermullu Immikkoortortaqarfik piukkunnaateqarnerpaatut nalilernerqarpoq. Sunngiffimmi suliassat

isumagisinnaanissaannut Peqqinnermut Susasaqartitsinnermut Kulturilerinnermullu Immikkoortortaarfik illoqarfinni tamani immikkoortortaarfimmi aqutsisunik atorfeqartitsivoq.

Klubbit aamma klubbinu sammisasaqartitsinnerit pitsanngorsarumallugit, Kommuneqarfik Sermersuumi klubbit aqqissuussaannerisa allanngortinnissaannut periarfissat Peqqinnermut Susasaqartitsinnermut Kulturilerinnermullu Immikkoortortaarfimmit Meeqqanut Atuarfeqarnermullu ingerlatsivik suleqatigalugu misissorlugit aallartinneqarput.

Meeqqanut Atuarfeqarnermullu ataatsimiisitaliap, Kommuneqarfik Sermersuumi sunngiffimmi sammisasaqartitsisarneq Peqqinnermut Susasaqartitsinnermut Immikkoortortaarfik akisussaaffigereerpaa. Peqqinnermut Susasaqartitsinnermut Immikkoortortaarfiup akisussaaffimmik tiguserani, sunngiffimmi klubbit Meeqqanut Atuarfeqarnermullu ataatsimiisitaliap ataaniinnassooq.

Suliniummumt allaaserisaq kakkiunneqarsimasooq tunngavigalugu sunngiffimmi klubbit eqqarsaatigeqqinnissaannut tunngatillugu suleriaqqinnermi Peqqinnermut Susasaqartitsinnermut Kulturilerinnermullu Immikkoortortamit isumagineqassaaq. Suliaq ingerlanneqarnera paasiuminarsarniarlugu immikkoortukkuutaamik ingerlanneqassaaq. Immikkoortoq siullermi Nuummi klubbit eqqarsaatigeqqinneqarnerat sulissutigineqassaaq. Tamatuma kingorna klubbit illoqarfinnut nunaqarfinnullu Nuup avataaniittut ilanngunneqarnissaat tullinguunneqassapput.

Immikkoortut ima isikkoqartinneqarput:

- 1) Immikkoortoq siullermi Nuummi klubbinik naleqquttunik nutaanik pilersitsinissaaq sammineqassaaq. Suliniummumt allaaserisatut kakkiussaaq, inuusuttunik peqataatitsineq, kiisalu illuatungeriit susasaqartut, paaqqinnittarfiit kattuffiillu tusarniaaffigineqarnerat ukkatarineqassaaq.
- 2) Immikkoortup aappaani Nuummit misilittakkat tunngavigalugit Paamiuni Ittoqqortoormiini klubbiq eqqarsaatigeqqinneqassapput. Tasiilami inuusuttunut kulturikkut illorsuamik nutaamik sanasoqaaqqammerpoq taamaattumik immikkoortup tulliaata atulernissaanut Tasiilaq siulluuvooq.
- 3) Immikkoortup pingajuani Tasiilaq peqataatinneqassaaq. Inuusuttunut kulturikkut illorsuaq nutaajummat Tasiilamili inuusuttunut assigiinngitsorpasuumik periarfissaqartitsilermat, Inuusuttut kulturikkut illorsuat aallaavigalugu allanik sammisasaqartitsinnermik pisariaqartitsineq misissorneqassaaq.
- 4) Immikkoortup sisamaani nunaqarfiit ilanngunneqassapput. Matumani katersortarfiup Peqqinnermut Susasaqartitsinnermut Kulturilerinnermullu Immikkoortortap akisussaaffigileqqammisaata qanoq atornerarnissaa eqqarsaatigineqassaaq.

#### *Aningaasatigut sulisoqarnikkullu naliliinerit*

Inassuteqaatigineqartoq akuersissutigineqassappat katillugit 17.774.344 koruunit 2021-mi sunngiffimmi klubbinut aningaasat immikkoortinneqarsimasut Peqqinnermut Susasaqartitsinnermut Kulturilerinnermullu Immikkoortortaarfimmut nuunneqassapput. Erseqqissaatigineqassaaq Nuummi klubbit aqqissuussaannerat illoqarfinnut allannut nunaqarfinnilu naleqqiullugit allaanerummat. Illoqarfinni allani atuareernerup kingorna ornittakkat klubbillu ataatsimut pisortaqartarput, taamaattumillu illoqatigiissinnaasarlutik.

| KLUBBIT ATII                                                                       | BUDGET        |
|------------------------------------------------------------------------------------|---------------|
| Inneruulat                                                                         | 1.761.000 kr. |
| Qajaasat                                                                           | 1.070.000 kr. |
| Ungdomsklub nutaaq Qinnngorput                                                     | 3.600.000 kr. |
| Illu                                                                               | 1.280.004 kr. |
| NUIF (illut marluk: NUiF, Alleq kiisalu nipilersornermi sungiusartarfiit pingasut) | 3.773.248 kr. |

|          |                |
|----------|----------------|
| Iginngut | 4.277.596 kr.  |
| Kalaaleq | 1.162.452 kr.  |
| Umimmak  | 850.044 kr.    |
| ALT      | 17.774.344 kr. |

Susassaqarfimmi immikkoortumut pilersaarutip suliaralugu nanginnissaanut inassuteqaat akuersissutigineqassappat, klubbini nutaani sammisassanik ininillu sunik peqassanersoq pillugu sukumiisumik pilersaarusiortoqassaaq. Tassanngaaniit pilersaarutit piviusunngortinnissaannut qanoq akeqassanersut aningaasatigut naliliisoqassaaq, tamatumalu kingorna pilersaarutit sukumiisut inaarutaasumik akuersissutigineqannginneranni missingersuusiortoqarlunilu periarfissat allattorsimaffiannik suliaqartoqassaaq.

#### *Inatsisitigut tunngavissaq allakkallu tunngaviusumik uppersaattallit*

- Kommuneqarfik Sermersuumi Kommunalbestyrelsimi Aqutsinermi lleqqoreqqusaq
- Kulturikkut ingerlatsineq sunngiffimmi sammisassaqaartitsineq pillugit Inatsisartut inatsisaat nr. 5, 6. juni 2016-imeersoq
- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq

#### *Ingerlariaqqinnissaq*

Inassuteqaatigineqartoq akuersissutigineqassappat suliassaq aningaasaliissutaasut ilanngullugit Peqqinnermut Susassaqaartitsinnermut Kulturilerinnermullu Immikkoortortaqaarfimmut nuunneqassapput, tassanilu klubbit aaqqissuussaanerisa allanngortinnissaannut saqqummiussassaq suliaralugu aallartinneqareerpoq, immikkoortumullu pilersaarusiornermut sulineq nangingineqassalluni. Klubbit aaqqissuussaanerisa suliarinerat immikkoortukkaartumik siuliani allaaserineqartut suliarineqassaaq. Klubbinu pioresuni sammisassat eqqarsaatigeqqinnerini isumassarsiat nutaat ataavartumik naleqqussarneqartassapput.

#### **Aningaasaqarnermut Allatseqarfimmit oqaaseqaatit**

Innersuussut akuerineqassagaluarpat, missingersuutit kommunip sunngiffimmi klubbiini 17,7 mio.kr. Meeqqanut Atuarfeqarmullu Ingerlatsivimmit Suliffeqarfimmi Kiffartuussivimmut, Peqqinneq, Sammisassaqaartitsineq Kulturilerinnermullu immikkoortortaqaarfimmut ullumikkut inissisimaffigisaanut nuunneqassapput. Sunngiffimmi klubbinik tunniussineq akuerineqassappat aningaasanik allamut ikkussineq piviusunngortinneqassaaq tapiliussatut aningaasaliissutit siullermeerlutik 2021-mi ingerlanneqarneranni.

Tunniussineq isumaqassaaq siunissami Peqqinneq, Sammisassaqaartitsineq, Kulturilerinnermullu immikkoortortarfiup kommunimi sunngiffimmi klubbit akisussaaffigilissagaat ingerlannissaannut missingersuutit ilanngullugit.

Tunniussisoqassappat, Peqqinneq, Sammisassaqaartitsineq, Kulturilerinnermullu immikkoortortaqaarfik klubbit aaqqissuussaanerisa allanngortinnissaannut suliaqassaaq. Aaqqissuussaaneq allanngortinneqarnissaanut suliaq missingersuutit pioresut iluani aningaasalersorneqassaaq.

Aaqqissuussaaneq allanngortinnissaanut suliaq pilersaarutini aaliangersimasunik suliniutinik kommunip sunngiffimmi klubbiinut pitsannguutaasussanik imaqassaaq. Tamannalu isumaqarumaarpoq ullumikkumi missingersuutit allaanerisumik atorineqalernissaat. Missingersuutit 2022-moortut suliarineqarneranni Peqqinneq, Sammisassaqaartitsineq, Kulturilerinnermullu immikkoortortaqaarfik periarfissaqassaaq sunngiffimmi klubbit akornanni missingersuutini nussunissaaq, periarfissallu allattorsimaffiannik pilersaarutini piviusunngortitsinissamut suliniutinik saqqummiussinissamut periarfissaqassalluni.

#### **Innuttaasunik peqataatitsineq/attaveqaatigiinneq**

Kommunimi inuusuttut tusarniaaffigalugit akuutinneqarneqarnerat eqqartueqatigineqarnerat sunngiffimmi klubbini sammisassat suut inissaqartinneqassanersut pillugit innuttaasunik peqataatitsineq aallartisarneqarpoq.

### **Ingerlatsivinnit allaniit oqaaseqaatigineqartut**

Peqqinneq Susassaqartitsinermut Kulturilerinermullu Immikkoortorta qarfiup suliassamik nuussinissaq qilanaarivaa klubbillu siuarsarneqarnissaat Kommuneqarfik Sermersuup sunngiffimmi neqeroorutitut sulinermi ingerlariaqqinnissaa qilanaaralugu.

### **Ilanngussat**

1. Sunngiffimmi klubbit aaqqissuussaanerisa eqqarsaatigineqaaqqinnerata allaaserineqarnera

## **Punkt 6: Taasariaqartut allat**

### **Beslutning**

Soqanngilaq.

## **Punkt 7: Lukket**

## **Punkt 07A: Lukket**

## **Punkt 07B: Lukket**

**Punkt 07C: Lukket**

**Punkt 07D: Lukket**

## **Punkt 8: Imaqarniliap akuerineqarnera**

### **Beslutning**

Imaqarniliaq akuerineqapoq nal.: 14:38